

改

雜病六篇卷十一

利

霍亂

嘔吐

咳嗽

積聚

脹滿

消渴

黃疸

鑑



訂正東醫寶鑑雜病篇卷之五

御醫忠勤貞亮 聖功臣崇祿大夫陽平君臣許浚奉 教撰

霍亂

霍亂之因

內經曰土鬱之發民病嘔吐霍亂注下又曰大陰所至為中滿霍亂吐下又曰痰土不及風乃行民病飧泄霍亂體重腹痛筋骨搖併○霍亂之病皆因飲食非關鬼邪千金○內有痰積

有所感陽不升陰不降乖隔而成非因鬼邪皆飲食所致此先哲確論也丹心○霍亂者脾胃氣失

也凡人內素有鬱熱外又感寒一時陰陽錯亂然病本因飲食失節生冷過度以致溼熱內甚中焦失

運不能升降是以上吐下瀉入門○霍亂或因飲冷或胃寒或失飢或大怒或乘舟車傷動脾氣令

霍亂形證

霍亂證心腹卒痛嘔吐下利憎寒壯熱頭痛眩暈先心痛則先吐先腹痛則先利心腹俱痛吐利

而不吐邪在中焦則吐利並作病因飲食不節清濁相干陰陽乖隔輕者只曰吐利重者揮霍變亂乃

曰霍亂因邪入脾胃故發為吐利入門○霍亂一證夏秋為多寒月亦有之蓋有伏者而作入門

○人之藏府冷熱不調或飲食不節生冷過多或起居失宜露臥當風使風冷之氣歸於三焦傳於瘳

脈法

霍亂脈浮洪可救脈微遲而不語氣少則難差得效○脈多伏或絕丹心○脈代者霍亂代而亂

者霍亂微滑者生澁數凶斷脈訣○脈微而澁或代而散或隱而伏或大而虛或結或

霍亂有乾有溼

此病有乾霍亂溼霍亂乾霍亂死者多溼霍亂死者少蓋吐利則所傷之物得以泄出雖甚

重胃中水穀泄盡則止矣所以死者少也乾霍亂死者多者以其上不得吐下不得利則所



醫學部

傷之物不得出泄壅閉正氣隔絕陰陽煩擾悶躁喘脹而死矣（明理）

乾霍亂治法

吐利不得謂之乾霍亂○乾霍亂者忽然心腹脹滿刺痛狀若神靈所附吐利不得頃刻之間便致悶絕急用鹽湯吐之續以理中湯（方見寒門）倍加橘紅與之或藿香正氣散（方見寒門）

不通故也當先吐以提其氣之橫格不可用涼藥宜二陳湯（方見痰門）加解散藥則死在須臾并降

正之類兼用薑鹽湯（丹心）○絞腸痧者乃乾霍亂一名也腹痛不可忍或手足厥冷乃腸胃絞痛在腹也急用鹽湯吐之（入門）○乾霍亂者氣痞於中吐利不得所傷之物壅閉正氣悶格陰陽煩擾

脹者必死急用吐法針委中（穴名）出血兼服治中湯（方見寒門）或藿香正氣散必效（入門）

薑鹽湯

治乾霍亂欲死鹽一兩生薑切半兩右同炒色變以童尿二盞同煎至一盞分二次服（直指）

溼霍亂治法

上吐下瀉謂之溼霍亂○凡霍亂吐瀉瀉為熱不瀉為寒（海藏）○熱多欲飲水宜五苓散寒多不飲水宜理中湯（一方並見寒門）○仲景○霍亂乃溼熱兼風木為害治宜散風寒利溼

降火四時通用藿香正氣散（方見寒門）寒月虛冷用理中湯（方見寒門）暑月煩渴宜黃連香薷散（方見暑門）俱宜合五苓散（方見寒門）以分消上下更合益元散（方見暑門）降火尤妙（入門）○

霍亂吐瀉宜用木萸散二香黃連散加味薑附湯回生散加減正氣散○中暑霍亂宜香薷散桂枝白朮散（一方並見暑門丹心）○吐瀉過多四肢逆冷不省人事南星末三錢棗三枚薑五片煎極熱服

一服可效或半夏末薑汁點服或白礬末一大錢沸湯點服亦效（得效）

木萸散

治霍亂吐瀉肢體轉筋逆冷木瓜吳茱萸食鹽各五錢右同炒令焦餅盛百沸水三升入藥同煎至二升冷煖任意服即效○如無前藥枯白礬末一錢沸湯調服如無白礬只用鹽一捻醋一盞

同煎服或鹽梅鹹酸等物皆可煮服（入門）

二香黃連散

治伏暑霍亂腹痛躁悶脈沉手足冷藿香厚朴半夏赤茯苓陳皮白扁豆香薷各一錢黃連澤瀉各八分甘草三分右剉作一貼水煎入薑汁一匙溫服（入門）

加味薑附湯

治霍亂吐瀉過多手足逆冷氣少不語六脈沉伏附子炮乾薑炮人參各一錢半甘草炙七分右剉作一貼水煎服（得效）○一名四順附子湯（直指）



回生散

治霍亂吐瀉過多但一點胃氣存者服之回生
香陳皮各五錢右剉作一貼水煎溫服(入門)

加減正氣散

異鄉人初到他方不伏水土遂霍亂或吐或瀉蒼朮二錢藿香厚朴陳皮縮砂研香附半夏甘草各一錢右剉作一貼入薑三片棗二枚燈心一團水煎服(回春)

香薷散

治中暑霍亂吐瀉腹痛轉筋四肢逆冷急煎此藥沉冷服之他藥不能救(方見暑門)

益元散

一名六一散治霍亂吐瀉取此藥生薑湯調下妙(方見暑門○丹心)

霍亂後轉筋

陽明屬胃與大腸以養宗筋暴吐暴瀉津液驟亡宗筋失其所養故輕者兩腳轉筋而重者遍體轉筋入腹手足厥冷危甚風燭矣倉卒之際以鹽填臍中灼艾不計壯數雖已死而胸中腹者亦效(入門)○霍亂吐瀉過多遍體轉筋手足厥冷氣欲絕者急灸臍中又取麥一把煎湯泡洗次投附子理中湯(方見寒門)即效(綱目)○霍亂後轉筋理中湯(方見寒門)加石膏一兩煎服(海藏)○一法理中湯去白朮加牛附子一個(活人)○轉筋屬血熱四物湯(方見血門)加酒芩酒花蒼朮南星煎服(丹心)○吐瀉脇痛轉筋脈弦者木克土也平胃散(方見內傷)加木瓜五錢煎服(入門)○吐瀉後轉筋不止宜用木瓜湯(直指)

木瓜湯

治霍亂轉筋木瓜四錢吳茱萸二錢茴香炒一錢甘草炙四分右剉作一貼入薑三片紫蘇十葉鹽一撮烏梅一個同煎服(直指)

一

治轉筋不止欲死男子以手挽其陰牽之女子則挽其乳近兩傍牽之此千金方妙法也(丹心)

霍後煩渴

吐瀉既多津液暴亡以致煩渴引飲不止宜桂苓白朮散五苓散(方見寒門)椒豆散麥門冬湯加減善治渴湯止渴湯(諸方)

桂苓白朮散

治中暑霍亂吐瀉煩渴滑石一兩寒水石石膏澤瀉甘草各五錢白朮白茯苓人參桂枝各二錢半右為末每三錢白湯或新汲水調下生薑湯亦可(綱目)

麥門冬湯

治霍亂後煩渴麥門冬二錢陳皮半斤白朮白茯苓各一錢小麥半合人參甘草各五分右剉作一貼入薑三片烏梅一個水煎服(入門)○一名九君子湯(入門)

椒豆散

治霍亂吐瀉後煩渴不能服藥或水藥不入口者胡椒葉豆各四十九粒右研為末新汲水調下或水煎服(入門)○一名胡椒湯胡椒七粒藁豆二十一粒為末木瓜湯調下(直指)



加減薤芩湯

治霍亂熱渴天花粉二錢赤茯苓一錢猪苓澤瀉香薷乾葛各七分黃連白朮甘草各五分右剉作一貼入薑三片水煎服(醫鑒)

止渴湯

治同上人參麥門冬赤茯苓桔梗瓜薑根澤瀉葛根甘草各五錢右爲末蜜水調二錢服(丹心)

霍亂後虛煩

霍亂後虛煩不得眠或熱渴宜竹葉石膏湯(方見寒門)參胡三白湯既濟湯(諸方)

參胡三白湯

治霍亂後煩熱口乾脈數或頭身痛柴胡白朮白茯苓白芍藥當歸陳皮麥門冬各八分人參五分五味子十粒右剉作一貼入棗二梅一燈心一團煎服(回春)

既濟湯

治霍亂後虛煩不得眠麥門冬二錢人參竹葉半夏附子炮甘草炙各一錢右剉作一貼入薑五片粳米百粒水煎服(丹心)

霍亂吐法

治乾霍亂心腹刺痛煩冤吐利不得氣欲絕者極鹹鹽湯熱飲一升刺口令吐不吐則再飲須三吐使宿食盡乃止此法大勝諸治吐訖以理中湯藿香正氣散欸緩調治得效(○)又法急

以鹽湯一盞入童便薑汁頓服探吐令透未透再服吐後續用熨法(入門)

霍亂熨法

霍亂吐瀉心腹痛不可忍炒鹽二碗紙包紗護頓其胸前并腹肚上以熨斗火熨之氣透則甦續以炒鹽熨其背則十分無事(得效)○又法鹽炒吳茱萸熨臍下亦效(入門)

霍亂針法

乾霍亂刺委中(穴名)出血或十指頭(諸經井穴)出血皆是良法(正傳)○絞腸痧證手足厥冷腹痛不可忍者以手蘸溫水於病者膝腕上柏打有紫黑點血以針刺去惡處即愈(經驗)○

又法用麻弦小竹弓蘸香油或熱水刮手足胸背額項即愈(經驗)○乾霍亂者乃寒溼太甚痺絆絀而不能動氣被鬱而不能行所以卒痛而手足厥冷俗名絞腸痧者蓋言痛之甚也北方刺青筋以出血之爲愈也(丹心)○又治絞腸痧刺血法詳見救急門(入門)

氣血兩方刮胸背手足以行氣血俱能散病然出氣血不如行氣血之爲愈也(丹心)○又治絞腸痧刺血法詳見救急門(入門)

霍亂灸法

霍亂轉筋入腹手足厥冷氣欲絕以鹽填臍中大艾炷灸之不計壯數立效(得效)○霍亂已死而腹中有煖氣依上法灸之亦甦(醫鑒)○又法灸氣海二七壯妙(得效)○霍亂吐瀉不止垂

死灸天樞氣海中脘立愈(正傳)霍亂諸法不效灸大椎即效(綱目)○霍亂已死但有煖氣者灸承筋七壯立甦(綱目)

禁忌法

霍亂吐瀉之時切勿與穀食雖米湯一呷下咽立死必待吐瀉止過半日飢甚方可與稀粥以漸而將息(正傳)○霍亂吐瀉時慎勿與粟米粥湯入胃必死矣(綱目)○霍亂不可遽與米飲粥飯以

助邪氣必使傷物盡然後稀粥漸漸養之（入門）○霍亂時大忌飲食入腹則死只吃冰水不妨不可飲熱湯切不可飲熱酒燒酒（山居）

不治證 霍亂轉筋腹痛四肢厥冷氣欲絕其脈洪大可治如脈微而鬚縮舌卷者不治（綱目）○霍亂喘煩躁者不治（得效）乾霍亂吐瀉不得胸腹脹硬面唇青黑手足冷過肘膝六脈伏絕氣喘急者

囊縮者死（回春）○脈微遲氣少不語為難治（得效）○大渴大躁大汗遺尿者死回生散救之方見上○入門

水疾吐瀉 乘船大吐瀉渴飲水者即死飲童尿最好自己尿亦好（丹心）○枯白礬末一錢百沸湯點服亦好（入門）○船暈嘔吐大半夏湯（方見痰門）煎服效（入門）

單方 凡二十一種

鹽 治乾霍亂鹽一大匙熬黃取童尿一升溫和攪服吐下即愈（本草）

鍋底 治霍亂取二錢百沸湯一盞投其中急攪服吐瀉立止（本草）

甘爛水 治霍亂入藥煎用甚妙詳見（水部）

生熟湯 一名陰陽湯治乾霍亂能吐宿食惡毒之物和鹽服之尤妙即百沸湯合新汲水也（本草）

生薑 治霍亂欲死生薑五兩切取牛尿一升同煎取汁服即差（本草）

天南星 治吐瀉不止四肢逆冷不省人事南星為末每三錢入大棗三枚同煎服四肢漸煖神識便省神妙（本草）

蘆花 一名蓬農治霍亂氣息危急者取一把濃煎取汁頓服即差（本草）

皂角 乾霍亂鹽湯一碗入皂角末少許調服探吐即效（本艸）

木瓜 治霍亂吐瀉轉筋不止煮汁飲之枝葉功同○桐櫪與木瓜同功（本艸）



烏梅 治霍亂煩渴水漬和蜜飲之妙(本艸)

林檎 青色者治霍亂吐瀉甚妙煮取汁飲或嚼食之(本艸)

秫藷 治霍亂轉筋筋大如桃李攪搗不可忍取葉濃煎湯飲之(種杏)

粟米泔 治霍亂煩渴飲數升立差○又研米清水和濾取汁服之主轉筋入腹(本艸)

糯米 治霍亂煩渴水研取汁任意飲之(本艸)

麥 治霍亂轉筋濃煎乘熱熏洗因取飲一二盞即愈(得效)

香薷 治霍亂吐瀉轉筋濃煎飲之即止○治霍亂不可闕也(本艸)

小蒜 治霍亂吐瀉煮汁飲之(本艸)

生薑 治霍亂吐瀉四肢逆冷黃牛糞以水煮濾取清汁頓服一升即止(本艸)

煙鹿皮 或烟獐皮熏烟最多黃色者水浸揉取汁頓服治乾霍亂即吐神效(俗方)

醋 治霍亂未得吐下飲一二升良○治轉筋取衣絮漬醋煮令溫裏患處冷則易即愈(千金)

牛涎 小兒霍亂牛涎一合灌下立效(得效)

嘔吐

嘔吐之因

內經曰諸嘔吐逆衝上皆屬於火○胃膈熱甚則爲嘔火氣炎上之象也(河間)○嘔吐噦者俱屬於胃胃者總司也以其氣血多少爲異耳嘔者陽明也陽明多血多氣故有聲有物氣血俱病

也吐者太陽也太陽多血少氣故有物無聲乃血病也有食入則吐有食已則吐以橘紅爲主咳粉少陽也少陽多氣少血故有聲無物乃氣病也以半夏爲主究其三者之源皆因脾氣虛弱或因寒氣鬱胃或因飲食所傷而致宜以丁香藿香半夏茯苓陳皮生薑之類主之東垣○溼嘔者有物不聲食已則嘔乾嘔者空嘔無物總屬陽明氣血俱病故嘔比吐爲重也入門○劉河間謂嘔者火氣炎上此特一端耳有痰隔中焦食不得下者有氣逆者有寒氣鬱於胃口者有食滯心脾之分新食不得下而反出者有胃中有火與痰血嘔者丹心○嘔家雖有陽明證慎不可下逆之故也仲景○脈法寸口脈數其人即吐○寸口脈細而數數則爲熱細則爲寒數爲嘔吐脈經○問曰病人脈數爲熱當消穀引食而反吐者何也師曰過發其汗令陽氣微隔氣虛脈乃數數爲客熱不能消穀胃中虛故吐也仲景○陽脈緊陰脈數其人食已即吐○寸緊尺濡其心胸滿不能食而吐脈經○嘔吐爲虛浮則爲虛瀉則傷脾脾傷則不磨朝食暮吐暮食朝吐完穀不化名曰胃反脈經○脈緊而瀉其病難治○脈弦者虛也胃氣無餘朝食暮吐暮食朝吐脈經○反胃噎膈寸緊尺瀉回春○噎膈反胃脈浮緩者生沉瀉者死脈瀉而小血不足脈大而弱氣不足醫鑑

嘔吐法治者面赤手足熱食已即吐宜保中湯和中桔梗湯黃連竹茹湯清熱二陳湯或葛根竹茹湯加味

橘皮竹茹湯○大病後胃熱虛而嘔者竹葉石膏湯方見寒門加薑汁服即止入門○時常口吐清水或冷涎自下涌上者脾熱所致也二陳湯加白朮芍藥升麻麻麵麥芽乾生薑土炒苓連梔子或水煎服或蒸餅爲丸服入門○肝火出胃逆上嘔吐宜抑青丸方見火門○半夏橘皮生薑爲嘔家主藥若胃虛而嘔者宜推揚穀氣四味蠶香湯加減四君子湯主之綱目○久病胃虛嘔吐宜藿香安胃散藿香平胃散比和飲○痰飲嘔吐宜茯苓半夏湯小半夏湯大半夏湯三方見痰門○神尤丸治嘔吐清水如神方見痰門○停水而嘔者心下怔忡先渴後嘔者宜赤茯苓湯方見痰門○先嘔後渴者宜猪苓散散水入即吐者宜五苓散方見寒門○入門○嘔家聖藥是生薑千金之說信矣然氣逆作嘔生薑散之痰水作嘔半夏逐之生薑於寒證最佳若遇熱嘔不可無烏梅也醫鑑○嘔吐宜服薤白粥○嘔家有癰膿不須治嘔膿盡自愈矣仲景

加味二陳湯治胃冷嘔吐二陳湯方見痰門一貼加縮砂一錢丁香五分也丹心

丁香安胃湯 治嘔吐噎膈胃寒所致黃芪二錢吳茱萸草豆蔻人參蒼朮各一錢丁香柴胡升麻當歸身陳皮甘草炙各五分黃柏二分右剉作一貼水煎服(正傳)

加減理中湯 治胃寒冷嘔吐清水冷涎脈沉遲人參白朮赤茯苓乾薑炮陳皮藿香丁香夏薑縮砂研桂皮各一錢右剉作一貼入薑三片烏梅一個水煎服(回春)

保中湯 因痰火致嘔吐不下飲食白朮炒二錢黃芩黃連並土炒蒼朮子薑汁炒各一錢半陳皮赤茯苓各八分縮砂三分甘草二分右剉作一貼入薑三片以長流水和黃泥焙乾取水煎服(醫鑑)

滓稍冷頻服(醫鑑)

和中桔梗湯 治上焦熱食已暴吐脈浮而洪半夏夏麴二錢桔梗白朮各一錢半陳皮厚朴枳實赤茯苓各一錢右剉作一貼薑三片水煎取清調木香檳榔末各一錢空心服三服後吐瀉止除水

檳榔末更加白芍藥二錢黃耆一錢半煎服(正傳)

黃連竹茹湯 治胃熱嘔吐煩渴脈數黃連薑汁炒梔子炒黑青竹茹各一錢人參七分白朮赤茯苓白芍藥陳皮麥門冬甘草各五分右剉作一貼入棗二梅一水煎服(回春)

清熱二陳湯 治痰火嘔吐出涎沫半夏陳皮赤茯苓甘草人參白朮竹茹砂仁梔子麥門冬各一錢右剉作入薑三棗二梅一水煎服(回春)

葛根竹茹湯 治胃熱嘔吐葛根三錢半夏切薑汁漿水同煮焙乾二錢甘草一錢右剉作一貼薑三片棗二枚竹茹一彈子大同煎服(丹心)○治酒嘔尤妙(入門)○欲知胃中有熱手足心皆熱

者是胃熱也(入門)

加味橘皮竹茹湯 治胃熱多渴嘔吐不食橘皮竹茹赤茯苓枇杷葉麥門冬半夏各一錢人參甘草各五分右剉作一貼薑三片水煎服○無枇杷葉則以蜜炙桑白皮代之(入門)

四味藿香湯 治胃虛嘔吐粥藥不停藿香人參橘皮半夏各二錢右剉作一貼薑三煎服(入門)

加減四君子湯 治久病胃弱全不納食聞食氣即嘔四君子湯(方見氣門)去茯苓加人參黃耆香附子各一錢右剉作一貼入薑三片水煎服(入門)

藿香安胃散 治脾胃虛弱嘔吐飲食不待腐熟橘紅五錢人參丁香藿香各二錢半右為末每取二錢薑三片同煎溫服(醫鑑)



藿香平胃散

治同上蒼朮二錢藿香厚朴陳皮各一錢半縮砂神麴各一錢甘草炙七分右剉作一貼薑三片棗二枚水煎服(東垣)

比和飲

治胃虛嘔吐月餘不納水穀聞食氣即嘔開藥亦嘔人參白朮白茯苓神麴炒各一錢甘草炙五分陳倉米一合右剉作一貼先以順流水三升泡伏龍肝末澄清取一升半入

及薑三棗二同煎至七分去滓稍冷服日二三遂納而不吐別以陳倉米煎湯時時啜之全愈(醫鑑)

茯苓半夏湯

治痰飲停胃嘔吐不止半夏二錢赤茯苓陳皮蒼朮厚朴各一錢藿香八分縮砂乾薑甘草炙各五分右剉作一貼入薑三梅一水煎服(回春)

猪苓散

治先嘔後渴嘔吐而思水解者急與之猪苓赤茯苓白朮各等分右爲末每一錢水調服○一人每嘔水二三碗諸藥不效但吃井華水一口即止用此藥即愈(仲景)

薤白粥

治嘔最效薤白三莖雞子三個去黃粟三合同煮作稀粥別用人參一兩細剉水一升煎取三合去滓右以雞薤粟粥入煖人參湯相和攪勻頓服即止得效

惡心乾嘔

惡心者欲吐不得吐見飲食則心便惡之○惡心者欲吐不得吐也胃口有熱有痰二陳湯(方見痰門)加白豆蔻香附子縮砂煎服(入

乾嘔或手厥冷者宜生薑橘皮湯(活人)○惡心者無聲無物但心中凡然無奈欲吐不吐欲嘔不嘔雖曰惡心實非心經之病皆在胃口上宜用生薑入曰惡心吐清水胃口有痰有熱有虛皆用生薑

生薑半夏湯(仲景)○乾嘔吐涎沫半夏乾薑散(仲景)○胃中素有熱惡心乾嘔不止者宜梔子竹茹湯(醫鑑)

生薑橘皮湯

治乾嘔或手足厥冷橘皮四兩生薑八兩右剉以水七盞煮至三盞逐旋微溫呷服(活人)○一名陳皮湯治乾嘔最妙下咽即愈(仲景)

生薑半夏湯

治胸中似喘不喘似嘔不嘔似噦不噦微心中憤憤然無奈者半夏五錢水一盞半煎至半盞入薑汁半盞和勻緩緩服之(仲景)○大凡嘔吐藥忌一時頓服宜緩緩服(入門)

半夏乾薑散

治乾嘔吐涎沫半夏乾薑各等分右粗末每取三錢水煎緩緩服(仲景)

梔子竹茹湯

治胃熱惡心乾嘔不止梔子炒三錢陳皮二錢青竹茹一錢半右剉一貼水煎和薑汁服(醫鑑)

食痹吐食

食痹謂食已心下痛陰陰然不可名也○痛而嘔爲寒經云寒氣客於腸胃逆上出故痛而嘔也(綱目)○嘔吐而脈弦者肝勝于脾也



由風痰羈絆於脾胃之間故惡心欲吐飲食不下當先實其脾土
宜茯苓半夏湯麥天湯白朮茯苓湯金花丸水煮金花丸(東垣)

茯苓半夏湯

治風痰羈絆於脾胃之間惡心欲吐宜實脾土麥芽炒一錢半白朮白茯苓各半
神麴炒各一錢三分橘紅天麻各一錢右剉作一貼爲寵末薑五水煎服(東垣)

白朮茯苓

治同上白朮白茯苓各半夏各三錢神麴炒一錢麥
芽麴五分右剉作一貼薑五片水煎服(東垣)

金花丸

治同上夏製一兩檳榔二錢雄黃水飛一錢半右爲末薑汁浸蒸餅和丸梧子大薑湯下
十九以吐止爲度風痰羈絆于脾故飲食不下用此以治風痰(易老)一名安脾丸(入門)

水煮金花丸

治風痰羈絆脾胃飲食不下白麴四兩半夏天南星並湯洗寒水石燒各一兩天麻五錢雄
黃一錢半右爲末滴水丸梧子大每取百丸先煮漿水沸下藥煮令浮爲度曬出

吞下食前(易老)○風邪在胃翻翻不定或鬱酸水全不入食宜不換金正氣散(方見寒門)或安脾
丸不宜輕用參朮惟久病脇痛者本克土也宜六君子湯(方見痰門)加青皮白芍藥柴胡升
砂仁神麴煎服(入門)

麥天湯

治風邪羈絆脾胃有痰惡心欲吐麥門冬一錢半天麻一錢三分白
朮白茯苓各半夏神麴陳皮各一錢右剉作一貼薑五水煎服(入門)

吐病有三

氣爲上膈屬上焦食已暴吐者今世謂之嘔吐也○食飲入而還出爲下膈食晡時乃反出之屬
中下二焦○朝食暮吐暮食朝吐今世謂之隔氣反胃也(綱目)○吐有三因乃氣積寒也皆從

三焦論之上

焦在胃口上通天氣主納而不出中焦在中脘上通天氣下通地氣主腐熟水穀下焦在
臍下下通地氣主分而不納○上焦吐者皆從於氣氣者天之陽也其脈浮而洪其證食已暴吐渴欲

飲水大便燥結氣上衝胸而發痛其治當降氣和中○中焦吐者皆從於積有陰有陽食與氣相侵爲
積而痛其脈浮而弦其證或先吐而後痛或先痛而後吐治法當以小毒藥去其積木香檳榔和其氣

(宜紫沉丸消積)○下焦吐者皆從于寒地道也其脈沉而遲其證朝食暮吐暮食朝吐小便清利大
府祕而不通治法宜以毒藥通其閉塞溫其寒氣大便漸通復以中焦藥和之不令大府結閉而自安

也(易老)

噎膈反胃病因

內經曰三陽結謂之隔註曰三陽者大小腸俱熱結也蓋小腸熱結則血脈燥大腸熱結則
不能便勝脫熱結則液津泄三陽熱結脈必洪數有力前後閉塞下既不通必反而上行所

噎膈反胃病因

內經曰三陽結謂之隔註曰三陽者大小腸俱熱結也蓋小腸熱結則血脈燥大腸熱結則
不能便勝脫熱結則液津泄三陽熱結脈必洪數有力前後閉塞下既不通必反而上行所

以噎食不下縱下復出乃陽火上行而下不降也（入門）○內經曰少陽所至爲噎涌溢食不下此
明矣（入門）○又曰食不下者胃脘隔也（入門）○血液俱耗胃脘乾槁其槁在上近咽之下水飲
行食物難入間或可入入亦不多也名之曰噎其槁在下與胃相近食雖可入難盡久習良久而復出
名之曰隔亦曰反胃大便必少（少）○其槁在貴門食下則停滯蓄久而復出
須臾上出食吐痛乃止此上焦之噎隔也或食物可下難盡入胃良久復出其槁在脾門此中焦之噎
隔也其或朝食暮吐暮食朝吐其槁在關門此下焦之噎隔也（丹心）飲食不下而去便不通名曰隔
噎隔者有拒格之意即噎食反胃也（入門）○噎噎有五五隔者憂悲寒熱氣也在心脾之間上下不
通或結於咽喉時覺有所妨碍吐之不出嚥之不下由氣鬱痰結而然五噎者憂食勞氣患也飲食
然阻滯而不下反胃也噎也噎也受病皆同（醫鑑）○張雞峯曰噎當是神思間病惟內觀自養可以
治之其言深中病情（丹心）○噎噎之證不屬虛不屬實不屬冷不屬熱乃神氣中一點病耳
噎病皆生於血枯血枯則燥矣得病
情合經旨者丹溪一人而已（綱目）

噎病生於血乾天者陰氣也陰主靜內外兩靜則藏府之火不起而金水二氣有養陰血
自生腸胃津液傳化合宜何噎之有○曰胃院乾槁果可治乎曰古方用人參以補肺御米

以解毒竹瀝以清痰乾薑以養血粟米以實胃蜜以潤燥薑以去穢正是此意○噎隔反胃大率屬血虛氣虛有痰有熱血虛四物湯氣虛四君子湯痰用二陳湯熱用解毒湯(即黃連解毒湯)氣血俱虛八物湯主之必和以童便竹瀝韭汁薑汁且多飲牛羊乳爲上策但不可以人乳代之蓋有七情烹飪之火故也切不可用香炒藥宜薄滋味○飲酒者加砂糖驢屎入內服以防生虫(丹心)○噎隔宜用平鮑丸神仙奪命丹丁香透膈湯五隔寬中散棗肉平胃散(方見內傷)瓜蒌實丸神奇散當歸養血湯生津補血湯聖灰散八仙膏○反胃宜用硫末丸狗米平胃丸杵糠丸九仙奪命丹順氣和中湯安中調氣丸回生養胃丹定生丹安胃湯太倉丸奪命丹附子散(諸方)

平魚丸治隔氣不食大鯽魚一個去腸留鱗以大蒜切片填魚腹內溼紙包黃泥固濟慢火煨熟去鱗骨入平胃散末杵丸梧子大每三五丸空心米飲吞下（入明）

神仙奪命丹
治氣鬱嘔吐或噎食不下百草霜五錢雄黃鵬砂各二錢乳香一錢半菜豆黑豆各四九粒右爲末烏梅三十個水浸去核取肉和藥末擣勻彈子大朱砂二錢爲衣每噙一丸以

茶泡熱飭壓下良久不吐乃藥之效若吐再嚙化一丸服忌油膩鹽醋怒氣（入門）○一名二豆回香丹（回春）

丁香透膈湯

治五噎十噎痞塞不通白朮一錢三分甘草九分人參白茯苓縮砂香附子各七分沈香菴香陳皮厚朴各五分丁香木香麥芽青皮肉豆蔻白豆蔻各三分草果神麴半夏各五分右

劉作一貼薑三棗二水煎服(入門)○十
隔者冷風氣伏熱悲憂水食喜也(綱目)

五噎寬中散

治噎膈食不下厚朴香附子各一錢半甘草五分五皮陳皮丁香縮砂各四分木香三分白豆蔻二分右爲窰末入薑三片鹽少許水煎服(綱目)

瓜蒌實丸

治噎膈胸膈痞痛微背喘急妨悶瓜蒌實枳殼半夏製桔梗各一兩右爲末薑汁米糊和丸梧子大每五七十九丸薑湯吞下(正傳)

神奇散

治噎膈反胃血虛有火三陽枯竭當歸川芎白芍藥生地黃並酒炒陳皮縮砂半夏白茯苓白朮土炒香附子枳實烏梅肉霍香赤茯苓檳榔木通猪苓黃芩炒黃柏人乳炒知母人乳炒赤芍藥

天門冬麥門冬甘草各五分
右劉作一貼水煎服(醫鑑)

當歸養血湯

治老人痰結血枯成隔噎當歸白芍藥炒熟地黃白茯苓各一錢黃連以吳茱萸同炒去茱萸黃八分貝母炒瓜蒌仁枳實陳皮厚朴香附子川芎蘇子各七分沉香五分水磨取汁右劉

作一貼薑一棗二水煎入
沉香汁竹瀝調服(回春)

生津補血湯

治年少人噎膈乃胃脘血燥不潤故便閉塞而食不下當歸白芍藥熟地黃生地黃白茯苓各一錢枳實陳皮黃連炒蘇子貝母各七分縮砂沈香水磨取汁各五分右劉作一貼薑一

棗二水煎入沉香
汁調服(回春)

聖灰散

治噎食病及回食病(回食者食下卽吐也)取初出窰石灰投入鍋中滾水中化開去渣止用清水煮乾炒黃色爲度黃色難得牙色卽可用罐收貯封口勿令泄氣過一二年則無用矣凡人年

四十餘壯健者用四分年老氣弱只用二分或三分好燒酒調服一二鍾能飲
者三四鍾或吐出虫或下虫其病卽愈如不吐不下遇發再服自痊(回春)

八仙膏

治噎食生藕汁生薑汁生梨汁生蘿蔔汁甘蔗汁(無則砂糖代之)白果汁(卽銀杏)竹瀝蜂蜜各一盞右和勻盛飯飯蒸熟任意食之(回春)

疏汞丹

治反胃吐逆水銀八錢生硫黃末二錢同入銚內慢火化開柳枝拌炒有焰起以醋洒之候結成砂子再研爲末以糝尖拌丸菴豆大生薑橘皮湯下三五十九(入門)



狗米平胃丸 治反胃諸藥不效黃雄犬一口餓數日用生粟米飼之取其糞中米淘淨用韭白煎湯煮作粥臨熟入沉香二錢平胃散末和勻得所作丸梧子大每五七十九陳米飲下（入門）

杵糠丸 治五隔杵頭糠牛轉草各半斤糯米一斤為末取黃母牛口中涎和砂糖三兩為丸炭質大入鍋內慢火煮熟食日二次（入門）○一名奪命丸（正傳）

九仙奪命丹 治反胃噎食其效如神枳殼二兩白礬枯一兩半夏厚朴並薑製各五錢末香南星薑製各二錢人參甘草各一錢豆豉研過一兩右為末夜暗露過以人參厚朴煎湯調糊作餅如餅

錢大慢火焙乾每一餅嚼碎以薑湯調平胃散送下忌生冷酒麪（活心）

順氣和中湯

治嘔吐反胃嘈雜吞酸噎隔吐痰水心腹刺痛陳皮鹽水炒香附子醋炒梔子薑汁炒各一錢白朮土炒八分茯苓七分半夏神麴黃連薑汁浸曬乾猪胆汁拌炒各六分枳實

分縮砂三分甘草炙二分右剉作一貼入薑三長流水入黃土泥攪澄清水煎入竹瀝童便薑汁溫服（醫鑑）

安中調氣丸

治反胃及痰氣白朮土炒香附子長流水浸三日炒黃各三兩陳皮二兩半夏製油炒白茯苓枳實神麴炒黃連薑汁浸猪胆汁拌炒各一兩白芍藥八錢蘇子炒羅蔔子炒各六錢川

芎當歸酒洗白豆蔻炒各五錢甘草炙三錢木香一錢右為末以竹瀝薑汁打神麴為糊和丸菉豆大湯下一百丸（醫鑑）

回生養胃丹

治脾土虛寒聚成痰涎以致大便燥澀小便赤而多嘔吐酸水漸成反胃結腸之證蒼朮換泔浸六日蓮肉酒浸各四兩取猪肚一個以壁土揉擦洗淨入蒼蓮線縫好酒煮爛搗細

捏作小餅烘乾南星細切薑汁浸一宿伏龍肝同炒去土半夏湯洗醋浸七日蒸熟橘紅伏龍肝同炒去土粟米薑汁浸蒸焙各四兩人參白朮白茯苓厚朴蓬朮三棱二味並醋炒薑汁縮砂白豆蔻殼

芽炒麥芽炒甘草各一兩丁香木香沉香各五錢右為末稀麪糊丸梧子大米飲吞下六七十丸（醫鑑）

定生丹

治反胃定生雄黃朱砂乳香半夏本香肉豆蔻百草霜（為衣）各三錢沉香一兩阿魏礪砂各五分藜豆四十粒烏梅四十個湯泡去核右為末以烏梅肉和搗作丸彈子大百草霜為衣陰乾

每一丸噙化嚥下以薑湯漱口復以陳麥餅火燒熟細嚼壓下噙藥即燃官香一炷如香盡藥未化者難治藥先化香未盡者可愈（醫鑑）

安胃湯

治反胃白朮白茯苓山藥炒當歸陳皮半夏藿香各一錢黃連薑汁炒蓮肉各八分人參縮砂各五分甘草三分右剉作一貼入薑三棗二烏梅一水煎服（四春）

太倉丸 治反胃噎隔白豆蔻縮砂各二兩陳倉米一升黃土炒去土右為末薑汁和丸梧子大薑湯下百丸（回春）

奪命丹 治反胃有起死回生之功裝一個麝香一分孩兒茶二分金絲黃礬三分朱砂春二分夏四分秋六分冬八分○裝乃土糖裝即蟻娘所轉之彈凡糞土之下皆有用彈中有白虫者如指大餘蟻

蟻一樣將彈小破一點蓋住火煨過大黃色存性不要燒焦放入藥內并彈共為末燒酒調全服覺飢用小米煮粥漸漸少進一日二三次不可多吃一日進一椀半足矣多進則病復不可治矣忌冷厚味蔥蒜酒麪氣惱五十以後一二服即效（回春）

附子散 治反胃大附子一個坐於磚上回面著火漸逼淬入生薑汁又炙又淬之可盡

嘔吐噎隔反胃宜通大便

病人欲吐者切不可下逆之故也（仲景）○陽明之氣下行則順今逆而上

而利導之（直指）○陰虛邪氣逆上窒塞嘔噦不足之病也此地道不通當用生地黃當歸桃仁紅花兼用甘草微加大黃芒硝以通其閉大便利則嘔吐噦自止矣（東垣）嘔吐證忌用利藥此言其常只發泄則嘔吐何由而止乎古人用三一承氣湯正是此意（丹心）○通利大便以開下焦之壅塞宜用紫沈丸厚朴丸附子丸人參利膈丸三一承氣湯四子調中湯香白丸大黃湯潤腸膏（諸方）○嘔吐家多大便秘結虛冷者用蘇感丸溫而利之（方見大便）若大便秘結用蜜導法（方見大便）或猪胆汁和醋灌入下部妙（直指）

柴沈丸 治中焦吐食由食積與寒氣相格故吐而疼此主之陳皮五錢半夏麴代赭石縮砂烏梅肉各三錢丁香檳榔各二錢沈香木香杏仁白朮各一錢白豆蔻巴豆霜各五分右為末醋糊和丸黍米

大每五十九薑湯下○一法橘皮一個去白生薑一塊煨熟煎湯下紫沈丸百丸一日二服後大便通不吐則止（易老）

厚朴丸 治同上方與萬病紫苑丸同（方見積聚）每服三九或五九薑湯下（東垣）

附子丸 治下焦吐食朝食暮吐暮食朝吐大便不通附子炮五錢巴豆霜一錢砒礬二錢右研極細溶黃蠟為丸梧子大每一二九冷水送下利為度利後更服紫苑丸常服一丸勿令再閉（保命）



人參利膈丸 治噎隔大便燥結喘滿壅塞治隔氣之聖藥也人參當歸藿香枳殼大黃厚朴甘草各一兩木香檳榔各七錢半右爲末水丸梧子大白湯下五七十丸（綱目）

三一承氣湯 治嘔吐大便秘三陽結而不通上爲噎隔反胃（方見寒門○河間）

四子調中湯 治反胃痰盛二便澀半夏二錢桃仁一錢半香附子枳實瓜蒌仁蘇子炒白芥子炒各一錢黃連薑汁炒七分青皮陳皮沈香白茯苓木通芒硝各五分右剉作一貼水煎大匙酌量服

空心服

（醫案）

香白丸 治痰涎壅盛嘔吐不止大便澀滯青州白丸子（方見風門）與青木香丸（方見氣門）右等分作九薑湯下三十九（得效）

大黃湯 治冷涎反胃其候欲發時先流冷涎次則吐食此乃勞證治不早死在朝夕大黃一兩生薑自然汁半盞炙大黃令燥淬入薑汁中如此淬汁盡切焙爲末每二錢陳米一撮蔥白二莖水一盞煎

至七分先食蔥白次服藥不十日去根（本事）○凡噎噎大便秘結用大黃乃急則治標之法也仍用四物湯加重便非汁竹瀝多服爲妙（正傳）

潤腸膏 治噎噎反胃甚捷新探威靈仙四兩搗取汁生薑四兩取汁真麻油二兩白砂蜜四兩掠去沫右同入銀石器內慢火煎如錫時以匙挑食之一料快效（正傳）

難治不治證 嘔吐脈弱小便自利身微熱而厥者虛極難治（脈經）○凡吐如清菜汁者死此是乍然嘔吐反胃比也入門○噎隔反胃證年高者不治（年五十以上者不治）○糞如羊屎者不治

（大腸無血故也）○不淡飲食不斷房室者不治○氣血俱虛者則口中多出沫但見沫多出者必死（丹心）○反胃吐白沫者可治吐黃沫者不可治（種杏）

單方 凡三十種有螺泥丸

黃丹 治反胃黃丹一兩白礬二兩同入罐內火煨放冷爲末蒸餅和丸梧子大溫酒下五丸至七丸（綱目）

黑鉉 吐虫而嘔者黑鉉炒成灰檳榔等分爲末空心米飲調下（丹心）

滑石 治反胃積飲滑石末生薑自然汁澄清白脚和丸時時服之（丹心）○暴吐逆滑石末溫水服二錢妙（本草）



赤石脂 治痰飲吐水成反胃石脂水飛每一錢空心以水酒任下加至二三錢無則以好赤土代之(本草)

人參 治反胃垂死者人參末三錢薑汁五合粟米一合煮粥空心食之(入門)○人人參到二兩水煎頓服日再(本草)

生薑 凡嘔吐皆因氣逆故用生薑之辛以散之○反胃嘔吐生薑汁煮粟米粥食之○乾嘔服薑汁一升即差(本草)

半夏 凡嘔嘔用半夏者散結氣也○反胃嘔吐半夏一兩製生薑二兩剖分二貼水煎服(本草)○嘔家用半夏以去其水水去則嘔自止(金匱)

蘆根 治乾嘔嘔及五噎煩悶蘆根五兩水煎頓服一升不過三升即差(本草)

竹茹 主嘔嘔取青竹茹一升水煎頓服○嘔嘔用竹茹者澀胃解煩也(入門)

鯽魚 治反胃取大鯽魚去腸留膽入綠礬滿腹以火炙焦爲末每一錢米飲下日三(綱目)○諸魚灰並主硬噎(本草)

蚌蛤粉 治反胃吐食取爛粉米飲下一二錢○蜆爛殼馬刀爛殼田螺爛殼並主反胃燒灰和飲服(本草)

蝟 主反胃吐逆取肉淹五味炙食皮燒灰和酒服亦可煮汁飲(本草)

橘皮 治反胃嘔吐橘皮用日照西方壁土末同炒香取皮爲末每一錢淡薑湯煎服(直指)

木瓜 止嘔逆煮汁飲之佳生薑同煎服尤妙○槁櫨去惡心乾嘔煎服之(本草)

葡萄根 止嘔嘔濃煎取汁細細飲之佳(本草)

獼猴桃 治熱壅反胃取汁和薑汁服之○藤汁至滑主胃閉吐逆煎取汁和薑汁服之甚佳(本草)

杵頭糠 主噎食不下咽喉塞取細糠蜜丸彈子大含化嚥之○又細糠一兩白粥清調服(入門)

